



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cuius Iudicisqve Dei, Erga Homines In Hac
Vita Existentes, Firmata**

Stengel, Georg

[S.l.], 1645

§. 5. Sapientia diuina paruulis reuelata.

[urn:nbn:de:hbz:466:1-49823](https://nbn-resolving.org/urn:nbn:de:hbz:466:1-49823)

Et confestim alterum erupit lilium. Tertio solum feriens. Fr. Predicator, ait S. MARIA Virgo est post partum, simulq, tertium enatum est lilium. Mox autem Egidius aufugit, & Doctor ille curatus est. Postquam autem didicit eum fuisse Egidium, multo deinceps amore, & illum & ordinem eius complexus est. Consimiliter modo, in Campania Galliarum Prouincia, in monasterio Cisterciensis ordinis, quod Argensoles dicitur, Abbatissam vidimus, ait Cantipratanus, quæ, sine vlla litteratura artis Grammaticæ, non solum libros Theologia; verum etiam libros Augustini de Trinitate plenissime intelligebat, & difficillimas quæstiones eorum, lucidissimis solutionibus exponebat.

S. V.

Sapientia diuina paruulis reuelata.

Quam verè dixit Christus: Confiteor tibi, Pater, Domine cæli & terra, quia abscondisti hæc à sapientibus & prudentibus, & reuelasti ea paruulis? Ita Pater, quoniam sic fuit placitum ante te. Quem locum exponens S. Augustinus ita scribit: Nomine sapientum & prudentum superbos intelligit, ipse exposuit, cum ait: Et reuelasti ea paruulis. Quid enim paruulis, nisi humilibus? Addit D. Gregorius: Nec dixit: Reuelasti ea stultis, sed paruulis, tu-
morem

Thom.
Canti-
prat lib.
2. cap. 46.
§. 5.

Matth. 11.
25.

S. Augu-
stin. serm.
8. de verb.
Dom. S.
Greg. c. 9.
sup. Iob.

36. l. 27.
Moral.

morem se damnasse innotescens, non ingenij acumen. Perpendant ergo, qui se supra ceteros sapere arbitrantur, quàm exiguam causam habeant, se circumspectiendi, quasi plus alijs sciant; cum diuina Sapientia, in rebus maximis, plus reuelet paruulis, & piscatoribus Apostolis, quàm tumidis Philosophis; plus Aegidio, quàm Theophrasto; plus Paulo Simplici, aut mulierculæ rudi, quàm Socrati sapienti; immo cum per pueros doceat senes. Sic constituit iuuenem Ioseph principem domus Pharaonis, ut erudiret principes eius, sicut semetipsum, & senes eius prudentiam doceret, in medio sapientium Aegyptiorum. Sic cum Susanna innocens duceretur ad mortem, suscitauit Dominus Spiritum sanctum pueri iunioris, cuius nomen Daniel. Et dixerunt ei senes: Veni, & sede in medio nostrum, & indica nobis, quia tibi

Psal. 104.
22.Dan. 13.
45.

Luc. 2. 46.

Deus dedit honorem senectutis. Sic ipsum puerulum IESVM parentes inuenerunt in templo sedentem in medio doctorum, audientem illos, & interrogantem eos. Stupebant autem omnes, qui eum audiebant, super prudentia & responsis eius. Et videntes admirati sunt. Ita enim interrogando discipuli egit partes, ut ab omnibus Doctor Doctorum esse videretur. Et fuit

fuit hic ipse quoque, ni fallor, puerulus, qui magnum illum Augustinum docuit, non nimis alta de SS. Trinitate disputare. Dabo authorem pium, ea de re, quæ alioqui controuertitur, non dubitantem. Cuius hæc sunt verba:

§. VI.

S. Augustinus à paruulo eruditus.

Quid te inflas, humana superbia? quò assurgis fortiùs, tantò turpiùs conquassaris. Audi, quid de Beato Augustino S. Volusianus in Laude mirabili testatur, dicens: In alijs sacerdotibus per mundum quomodocung, toleratur, inscitia, id est ignorantia, cum autem ad Augustinum ventum fuerit, Legi Dei deesse creditur, quidquid eum contigerit ignorare. Quid autem tam magnifico viro, super profunditate sermonis & arduarum rerum disputatione, contigerit, audiamus. Inter miracula quaedam Beati Augustini tale quid de eo reperitur. Eo in tempore, quo Beatus Augustinus librum de Trinitate composuit, illi tale miraculum Deus ostendit. Hipponensis ciuitas Africa nobilis, in quâ Beatus Augustinus Episcopatum administrabat, super littus maris pulcherrimè sita erat. Beatus autem Augustinus in consuetudine habebat, vt, post diurnum studium ac laborem, vespere super lit-

tus

Thom.
Canti-
prat. lib.
2. Apum.
c. 48, §. 3.